

Sarkina Bt Mat Saad @ Shaari

From: UUM CORPORATE COMM.
Sent: Monday, January 27, 2020 4:30 PM
To: UUM - All Staff; UUM - All Students
Subject: 'Trash Hero Go Green' Jabatan Keselamatan Suntik Kesedaran Jaga Alam Sekitar



UUM Corporate Comm.
Universiti Utara Malaysia

27 JANUARI 2020 / 2 JAMADILAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee dan Rodiah Halim
Gambar oleh: Jabatan Keselamatan

'TRASH HERO GO GREEN' JABATAN KESELAMATAN SUNTIK KESEDARAN JAGA ALAM SEKITAR



UUM ONLINE: Sudah menjadi tanggungjawab bersama apabila menyentuh tentang isu kebersihan alam sekitar sama ada di dalam kampus mahupun di luar kampus.

Atas rasa kesedaran betapa pentingnya menjaga alam sekitar dan pemandangan di sekitar Sintok, 'Trash Hero Go Green' Jabatan Keselamatan UUM telah mengadakan program khidmat masyarakat dengan mengutip sisa sampah sarap di sepanjang jalan, baru-baru ini.

Program yang diketuai Pengarah, Lt. Kol. Musa Bari bersama 36 staf Jabatan Keselamatan itu memulakan misi seawal jam 9 pagi bermula di parkir pejabat Jabatan Keselamatan hingga ke Taman Universiti dan kembali semula ke dalam kampus.

Lt. Kol. Musa berkata, program itu bukan sekadar untuk berjalan-jalan atau bersantai menjalani latihan jasmani tetapi bagi memenuhi tanggungjawab membersihkan sampah sarap di sepanjang jalan raya ke kampus UUM.

"Saya mahu pemandangan di sini indah, bersih dan cantik..sedap mata memandang, bukan sahaja untuk warga universiti malah pengunjung luar yang datang ke universiti ini.

"Di samping kita menjaga alam sekitar, staf Jabatan Keselamatan dapat menjadi seorang yang bertanggungjawab dan peka terhadap kebersihan kampus," katanya.

Beliau berkata, program tersebut akan diteruskan secara berkala dari semasa ke semasa, di samping memenuhi perancangan strategik jabatan dan universiti amnya.

Di sepanjang jalan itu, pelbagai jenis bahan buangan telah dikumpul seperti tayar, besen, botol kosong dan bekas bungkusan makanan yang dibuang pengguna jalan raya tidak bertanggungjawab.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.